

膜更分明不似昭陽夢中見千官瞻拜齊
呼急詔道子丹青圖泥封密札下江左千門
萬戶成須臾撐橫直瞰康廬道驛使春秋奉
宸禱天香祝簡來九重黃柏題封皆御寶龍
樓鳳閣飛雲煙白晝往往巢神仙不知卜筮

歲月速但見檜栢高參天年年八月蓮花會
奔走江淮貢金貝惟將正直壓妖氛豈止祈
禳致豐歲碧澗萬丈噴驚濤青嶂千疊爭岩
堯春雷駭烈蛟蜃變夜醮雜運星辰朝吁嗟
柱史非虛實故恐誕誇滑曲筆遂令琬琰失
所傳勝事奇蹤散遺逸嘗聞宣子夢鈞天屏
息七日方言還又聞漢武事方術蕙帳清夜
來嬋娟遺方陳迹垂編策千古朝朝甚明白
矧茲休驗豈徒然指數年齡今五百上方至
德追唐虞阜變稷契勤都俞九夷百越隨指
呼幹轉萬化歸神樞禎祥嘉瑞無時無坐見
和氣周綿區餘波流澤施豚魚信哉神語誠
非虛小臣齟齬無嘉謨目覩美應徒嘻噓願
傳史筆令直書留示萬葉永未為休符出本
官舊記

廬山太平興國宮採訪真君事實卷之一



廬山太平興國宮採訪真君事實卷之二

宋朝崇奉類

春秋國醮

太平興國三年四月九日準勅江州

九天採訪使者可每年二月十五日八月十

五日係春秋兩節各致一祭當年七月初十

日江州申奏齋儀禮物開建道場三日滿散

設醮三百六十分青詞朱表係學士院降到

今本州永為定式三年郊祀禮畢遣中使肅

御名青詞朱表建道場五日設醮謝恩

醮意青詞

維年月日

嗣天子臣御名謹以節屆仲秋遣其官於江州

廬山太平興國宮開啓秋祭

九天採訪應元保運妙化助順真君靈寶道

場三日兩夜滿散設醮三百六十分位以用

和天安地保國寧邦俯為天下生靈禳災祈

福謹上啓

九天採訪應元保運妙化助順真君伏以真

非遙獲以眇躬祗膺景命每慚涼德嗣守不
圖適丁隆盛之時益荷高明之貺春茲福地
久峙殊庭屬屆仲春秋式陳常典况琳宮之宏
啓冀飭馭之俯臨察于恭恪之誠享茲蠲潔
之薦俯回洪造申錫嘉祥然後願邦社儲休
車書混一民躋富壽運洽隆平仰冀高穹普
垂至貺無任懇禱之至謹詞

滿散醮詞

區守秦寧蒼黔富壽荷高穹之降鑒致純嘏
之荐臻節屆仲春秋禮伸祀是以凝神碧落
著念仙都三日齋居以時朝奏適屬瓊詞告
徹金磬停音更露丹衷嚴伸清醮伏冀垂休
群物錫羨宗枋庇癘聿消車書混一百穀保
順成之美四時無愆元之災永賴具休長依
景貺無任懇禱之至謹詞

內降郊祀禮畢青詞

吉日備儀薦明禋而享帝湛恩敷令均純嘏
以惠民時維秩禮之行允賴群靈之貺肅陳
淨醮祗罄潔誠惟冀神聰式垂沖鑿

內降郊祀禮畢朱表

明禋郊祀昭受帝休賴神助之介成肅祭容
而協禮具嚴馨薦恭接真科冀誠意之潛享
格靈神而不佑

宣賜濕香

大中祥符元年六月二十九日準勅訪聞江
州廬山太平興國觀缺好香供燒可於翰林
院歲破濕香三百斤付本觀逐日於諸殿堂
及兩廊焚燒供養

蠲免稅賦

大中祥符二年十月十六日準中書門下牒
江州廬山太平興國觀見納夏秋二稅等牒
奉勅並特與除放充本觀常住仍仰本州檢
校分明上曆支用

賜金寶牌

天禧元年九月日奉勅修玉清昭應宮成特
賜

聖祖天尊大帝神化金寶牌一所於江州廬
山太平興國觀奉安供養歲度道士一自掌
管

進應元保運號詔

元豐四年正月日詔曰運妙用跨太虛高極
於九霄遠際於八表巡遊上下博觀廣察是
惟江州廬山太平興國觀

九天採訪使者蓋天之貴神與世為福然隆
名徽稱歷代置而不講甚非所以答神明之
意可進號

九天採訪應元保運真君庶幾導珠祥獲嘉
氣以蒙覆生民焉故茲詔示想宜知悉

先是元豐二年本觀道士陶智仙治舍基
於地中得土缶封藏其因破之皆五色土
有銅錢一其文曰應元保運四字當時因
別至四年遠內待度雖爾詔及御書殿額
未賜及與錢文符合時知制誥熊本提舉
太平興國觀在本觀主首究問得實即以
其錢付廖維表獻迎牌至觀之夕直殿道
士吳有終等聞仙樂之聲驚走聞殿即止
如其靈異

祭告祝版

陟降上下高窮於九霄周遊巡行旁際於八
極鑒觀有度善惡無差美報未豐隆名久缺
爰通精意肅進徽稱庶俾奉元永膺福祉

醮慶進號青詞

道妙太虛化馳八極恭承庇佑積仰靈光冀
崇顯於上真乃加隆於懿號爛然寶宇揭著

重簷就祓齋壇嚴陳淨供庶延飈馭下賁琳
宮

同前朱表

臣仰言薦號高真揭題祕殿就陳淨供備致
潔誠敢不藏在昔神考嚴恭寅畏明德恤祀
帝用居歆百神受職發揚丕貺肇進徽稱謂
其顯仁利用兆於有形之始故曰應元錫羨
降康成是無疆之休故曰保運勅書扁榜奎
壁粲然霞衣綠幢金碧焜耀而典冊未備屬
在後人肆惟菲德紹休聖緒噫惟大道是興
惟前烈是承鋪張景鏢刊鏤嘉玉具舉緡禮
繼述先志伏惟精誠所揭符應昭答孚佑眇
躬膺受多福相我有邦億萬斯年惟時報事
其永無斃謹言

奏告詞

至人無迹大道難名爰即舊稱肇刊新冊遠
馳使傳祇告真官勅太上以消辰命有司而
備禮仰祈靈鑒俯照丹誠享茲久闕之儀錫
以無疆之慶

祭告詞

妙道格天休功被物炳為靈耀可得形容祇
奉徽稱式嚴報禮消誠斯在昭鑒惟時

奉上禮詞

職典欽崇敢替靈承之義誠交肸鬻宜殫昭
報之文肆肇舉於徽章用恪伸於寅奉仰祈
歆答永介休祥

滿散詞

至神無象雖莫能名盛德在人姑從所示式
哀顯蹟肇薦徽稱莫享褒崇永綏福祉

滿散朱表

祇奉高真肇揚顯冊瞻太霄而在望被靈宇
以伸虔善利所加既作黎元之福純禧來被
更延景曆之昌

奉安玉冊離開啓文

廬峯秀拔儼仙聖之真祠寶冊肇新煥熙辰
之盛典初屬禮成之慶敢伸妙供之修普洽
輿情仰伸誠祝伏願至神昭格洞鑒宜符萬
壽無疆恢帝圖之廣大三時不害永民物之
阜康

滿散詞

惟廬嶽之名峯實天仙之奧宅夢符畫現雖
自開元之傳迹遠名彰逸想真王之始應世
則帝王之佐在天惟耳目之司千齡首紀於
元豐四字首加於徽號備茲縟禮屬在休期
鑄玉填金煥成章於雲漢臨軒發冊增偉觀
於江山顧熙事之嘉成消良辰而祝告伏願
威神臨格昭鑒居歆薰燎揭虔共仰九霄之
逕厖鴻蹟祉永言萬壽之期併敷錫於庶民
俾交欣於百樂

改觀為官

宣和六年七月二十七日御筆改觀為官給
事中王易簡奏乞降御書牌額遂賜御書曰
太平興國之官

是時迎奉御書牌江行至太平州謝家灣
有順濟龍王登舟現金鱗玉爪長尺餘盤
旋花枝之上護舟至池陽清溪有水獸三
四昂首嗚龍王自能中引首顧之池州
官民雖拜忽爾不見○戒途之初預卜吉
日建醮本官沿途阻風將失期限忽在真
州遇順風半月之程數日而至到岸則風
逆如初預期不爽衆皆異之出異錄記

保穰祝版

維紹興三十一年辛巳十二月己亥朔十七
日乙卯

嗣天子臣某近為邊鄙繹駭朝廷用兵乞賜陰助掃除妖孽以速萬全謹遣右承議郎通判江州軍州事臣鄭建中敢昭告于

九天採訪應元保運真君伏以國家祗奉神祇載在祀典春秋時享固敢不飭欽惟

明靈密垂護佑蠢茲妖孽犯我邊疆爰整王師正緊神助掃蕩邊氛亟臻清平嘉與舍生躋于仁壽尚饗

韋太后殿設醮兩座

第一醮意

皇太后妾韋氏謹齋十方鎮絲本命文縉詣江州太平興國宮

九天採訪應元保運真君殿普集道士一壇於八月七日宿建

太上順天興國寶壇修奉

无上太羅玄都玉京紫微上宮三元玉籙道場三晝夜滿散修設普天大醮三千六百分延奉

高真用祝聖壽無疆皇國永固萬民樂業五穀豐登次冀夷齒堅日明身強體健皇后吳

氏宮闈集慶枝葉繁昌

第一醮詞

祇承道蔭敢忘昭事之心抑扣天關特露忱恂之懇伏念妾篤生聖主慶集慈闈年踰中壽之高日備懽心之養荷上帝之眷顧撫小

己以戰兢迺迺捐脂澤之餘恭歎琳宮之邃謹遵靈式用答微誠三千六百分之周天新沖

霄之下鑒一千二百歲之眉壽續太上之脩齡中官受滋至之休聖子神孫之千億若身

備康寧之福目視耳聽之聰明更酌餘波回霑率土歲有豐登之瑞人無疢癘之憂諒鑒丹衷儻垂洪佑

丹衷儻垂洪佑

第二醮意

同前

第二醮詞

精白一心不避再三之告宵蒼萬里必蒙降

鑒之明伏念妾誕育聖躬宅尊宮室享萬國歡心之養實九清垂祐之私迺捐服用之餘資祇款仙靈之秘宇輒伸悃愫少答生成恭

演真科聖位十周天之度用增膺筭神人三蒿嶽之呼椒房應夢日之祥晚景續如川之

壽更資道蔭廣被群生師混元之人早契飛昇之妙樂瞿曇之士速登圓覺之門四時有玉燭之調百穀獲金穰之兆惟大圓之從欲遂小己之陳辭不勝依歸諒垂昭鑒

保邊祝版

隆興二年歲次甲申十一月壬午朔二十八日己酉

嗣天子臣某伏為邊鄙救寧朝廷用兵乞賜陰助謹遣降授左朝散大夫敷文閣待制知

江州軍州事賜紫金魚袋臣唐文若敢昭薦于太平興國宮

九天採訪應元保運真君伏以妖孽侵邊尚肆虐劉之虐師徒駐野未收攘却之功敢布

忱誠仰干英鑒冀靈威之佑助無妖侵之結蟠尚饗

賜靈澤龍廟額

嘉泰四年正月準尚書省牒禮部狀準都省批下江西轉運使司狀據江州申據德化縣申據管屬進士劉揆等竊見太平興國宮官後三山澗龍潭遠近百姓祈求雨澤感應顯

著前政知州王容在任兩年遇旱祈禱雨澤
隨降嘉泰元年六月不雨本州遂委本縣主
簿常捷躬詣龍潭迎請聖水奉安設醮醮未
畢兩大作槁苗浮與歲成大稔本州遂於龍
潭建立廟祠崇奉乞封爵廟額本司委興國
軍永興縣丞上官世勛躬親詢究再委隆興
府奉新縣主簿孫仁覆實上件靈蹟委有恩
惠澤及生民保明詣實伏候勅旨後批送部
勘當申尚書省尋行下太常寺勘當去後據
申檢進建炎三年正月六日已降指揮節文
○神祠遇有靈應即先賜額并淳熙十四年六
月十九日已降指揮節文今後神祠祈禱應
驗今諸路運司依條保奏取旨加封本寺照
得今來本路轉運司已依條差官詢究覆實
保奏了當應得加封條法今勘當乞從已降
指揮合先賜廟額合行降勅伏乞省部備申
朝廷取旨加封施行申部本部今勘當欲從
太常寺勘當到事理施行伏候指揮奉勅宜
賜靈澤廟為額

保國祈嗣玉簡

維嘉熙元年歲次丁酉十月己卯朔十五日
癸巳

嗣天子臣某伏為保延國祚恭祈嗣續敬齋
香信祇建沖科命道士二十一員於江州太
平興國宮啟建靈寶道場一晝二夜滿散設

醮三百六十分位告盟天地誕集嘉祥謹依
舊式詣

九天採訪應元保運真君殿下投送金龍玉
簡欲冀至聖至真鑒此丹悃乞為騰奏上聞

九天臣伏以元儲虛位未開熊夢之祥邊閩
分屯尚調虎符之戍內欲隆於國本外思靖

於兵氛仰惟祖宗積累之難深切朝夕繼承
之懼是用肆類上帝徧禱名山願垂覆燾之

仁宏賜扶持之力得男而應震索茂延百世
之期偃武而致太平坐底四方之治保基圖

於鞏固措民物於教寧祇迓靈休永依大道
臣某無任懇禱之至

陳乞加封奏狀
臣熊守中謹瀝愚衷仰干天聽退思僭越甘
伏典刑竊念臣山林及槁雲水單軀身與世

以漂流志因時而感激伏睹江州廬山

九天採訪應元保運真君上自三皇五帝下
至于唐遂代易名顯靈降社主天地國家之

歷數掌祖宗儲嗣之符圖在昔賜額撥田褒
封祈禱具有成典至於穰穰水旱拜戢兵戈

應感靈驗載諸碑記真君顯靈之初有語曰
後五百年福及生靈保安國祚揆今五百八

年無有以徹淵聽者重念臣本儒家子父命
入山蒙恩服羽奉真君香火餘五十年誤叨

住持以來別靈華幣一新福履表率羽流祝
延聖壽凡歲之豐凶民之疾苦夙夜齋心精

白祈禱務求感應仰贊明時臣雖非官守言
責者比而憂國愛君出於天性敢致叩關之

請庸疇懸闕之心謹纂集廬山古碑舊記所
載九天採訪應元保運真君在本朝靈驗事

跡彰彰在人耳目者編次為六一曰初始源
流二曰宅靈始末三曰崇奉鼻則四曰褒嘉

典故五曰像設儀制六曰感應靈異繕寫為
一冊用黃羅囊封隨狀上進伏望陛下少賜
采覽體祖宗崇信之意為社稷靈長之謀遵

故事於往時舉曠儀於今日應元有自復太平興國之風保運無窮叶壽富多男之祝皇圖鞏固邊祿澄清臣不避鼎鑊之誅謹具奏聞俯伏闕庭伏望聖慈特賜睿旨付尚書省檢尋舊規加封真君徽號降香廬山大平興國宮設醮陳詞禳兵弭寇以應五百年福及生靈之運丕衍億萬載無疆之休臣冒犯天威罪當萬死謹錄奏聞伏候勅旨

嘉熙二年八月日廬山安國宮前特製醮儀字表

醮旨

嗣天子臣某伏為家國少寧邊陲侵擾師徒久戍未收攘却之功宵旰靡寧敢忘禱祈之請謹遣上清大洞經錄道士熊守中齋香信詣廬山太平興國宮開壇薦事拜伏齋章上通宸極以用禳兵弭寇保國寧邦欽惟

九天採訪應元保運真君開治廬山之始預祈國祚之安五百年福及生靈適當此數億萬載垂休宗社克保將來伏願九天助順三境昭臨消禍亂以康時珥干戈於不戰更冀兩暘時若年穀豐登萬民無疵癘之災四海

樂昇平之化

上帝青詞

皇天無親固惟德而是輔至道有要必自誠之可通爰命羽流虔伸丹悃邊陲驚擾燧燧因仍內貽宵旰之憂外積干戈之慘薦蘋蘩而請禱望穹昊以摠誠伏願天道宜還人心從欲俯回洪造溥施下濟之仁申命真司盡被好生之德

真君青詞

嗣守丕圖昧依司之疎曠適丁多事駭成典之昭彰爰命羽流旋申祀事十三帝尊崇禮豈不偉哉五百年福及生靈今其時矣誓堅香火永答神休兵革侵疆師徒駐野四蜀長淮之慘酷痛徹此心九州率土之威儀合歸中國恭惟

九天採訪應元保運真君闡至靈於前古隆徽號於本朝當瑞命之應期符生靈之積望雷行號令速掃妖氛日扇祥風將安善類

加封詔詞

中書門下省禮部狀準嘉熙四年四月十四

日勅節文尚書省送到禮部狀準都省批下禮部申準嘉熙三年九月二日都省批下江州太平興國宮前管轄住持知宮事熊守中劄子陳乞

九天採訪應元保運真君加封設醮及乞頒

降御書三清閣三字事後批并進冊送禮部

勘當申尚書省本部尋連送太常寺勘當去

後據本寺申照得熊守中所陳真君事迹自

唐以來多著靈異至我朝神廟始進號為

九天採訪應元保運真君列聖欽崇有加無

替拖詳進冊鋪叙六門其啓耀發祥標符顯

應固非其他神祠可比至若水旱疾疫之災

盜賊兵革之變隨事切禱響答影從真有助

於國家有功於生靈也增隆徽號用侈殊褒

其加封一節欲照所乞申取行下以憑擬定

欲具檢申呈奉批判行伏乞省部備申朝廷

如從今來熊守中所乞事理候批今狀下日

行下本寺以憑加封施行更合取自指揮施

行并進冊繳連見到申部本部所據太常寺

申到事理備錄在前本部照得今來熊守中

所乞真君事跡加封如蒙朝廷許從太常寺
申到事理候批今狀下部行下太常寺以憑
加封施行伏候指揮後批并冊送禮部從勘
當到事理施行本部尋連送太常寺遵從都
省批狀指揮施行去後今據太常寺申本寺
今遵從都省批狀指揮欲於應元保運字下
加二字今欲擬

九天採訪應元保運妙化真君合命詞給誥
伏乞省部備申朝廷取旨加封施行申部本
部所據太常寺申到事理備錄在前伏乞朝
廷指揮施行伏候指揮四月八日奉聖旨依
本部尋取到太常寺供到前銜後擬伏乞朝
廷合詞給誥施行伏候指揮奉勅朕寅事上
帝懷柔百神矧惟仙品之高夙紀道書之秘
三山鼎立雖摩跡於有唐一氣胚涵本儲靈
於太始嶽濱並歸於主宰國家允賴於保綏
遙企真風肆加美謚
九天採訪應元保運真君體道為用入有出
無象帝之先莫知誰子御炁之辨以遊無窮
嘗受命於瑤霄來宅靈於廬阜惟九穹品秩

孰如採訪之尊會三界天人皆屬統臨之大
自熙陵以太平興國而易觀額至

神廟進應元保運仍揭宮名昭回雲漢之光
焜耀朱陵之府肆朕纘服率循舊章春秋醮
祭之聿嚴水旱禴禘而必應閱羽衣之驛奏

想鶴駕之颺遊用舉徽稱式彰妙化七千劫
初分於元景未易強名五百年流福於生靈
適逢休會諒上蒼悔禍之有日而四海息兵
之可期佑我不圖永綏景福可持封

九天採訪應元保運妙化真君

廬山太平興國宮採訪真君事實卷之二

廬山太平興國宮採訪真君事實卷之三

宋朝崇奉類

聖旨文字

得旨為加封

九天採訪應元保運妙化真君徽號仰管轄
道士熊守中前往江州太平興國宮設醮一
千二百分位五晝夜拜奏寶章并於壽聖廣
福觀大中祥符觀各設醮一百二十分位降
賜下項務在如法排列精加祈禱即賜感通
仍賜御書並具收領回奏

得旨宣諭安撫制置史尚書今令江州太平
興國宮管轄熊守中齋三清閣御書及香信
等於本宮設醮并奉安誥命仰尚書代書青
詞祝版御名及差屬官一員到官主香所有
日分却令熊守中供報仍具已差官職位姓
名前往回奏嘉熙四年閏十二月日協中大
夫保康軍承宣使入內侍省副都知張延
慶恭準

真君祝版